

Na osnovu člana 72. Zakona o javnim nabavkama BiH („Službeni glasnik BiH“, 39/14), a nakon provedenog otvorenog postupka javne nabavke usluga osiguranja radnika od posljedica nesretnog slučaja – nezgode predškolske ustanove, osnovnih i srednjih škola na području Kantona Sarajevo - LOT 2, , na osnovu Odluke o izboru najpovoljnijeg ponuđača, broj:11/07-14-40383-7/19 od 20.01.2020. godine kojom se prihvata ponuda grupa ponuđača “TRIGLAV OSIGURANJE” d.d. Sarajevo i “SARAJEVO OSIGURANJE” d.d. Sarajevo kao najpovoljnija, i zaključenog Okvirnog sporazuma broj: 11/07-14-40383-9/19 od 21.01.2020. godine zaključuje se:

## **UGOVOR O PRUŽANJU USLUGA**

Zaključen dana, 10.12.2020. godine u Sarajevu između:

1. Ministarstvo za obrazovanje, nauku i mlade Kantona Sarajevo, ul. Reisa Džemaludina Čauševića br. 1, ID broj: 4200666870003 koga zastupa i predstavlja ministar, mr. Anis Krivić (u daljem tekstu: Naručilac usluga)

i

2. “TRIGLAV OSIGURANJE” d.d. Sarajevo, ulica Dolina br. 8, 71 000 Sarajevo, ID broj: 4200247470003 kojeg zastupa izvršni direktor za poslove osiguranja, Edin Muftić (u daljem tekstu: Pružalac usluga).

### **I - PREDMET UGOVORA**

#### **Član 1.**

Predmet ugovora je pružanje usluga osiguranja radnika od posljedica nesretnog slučaja – nezgode predškolske ustanove, osnovnih i srednjih škola na području Kantona Sarajevo - LOT 2, a u svemu prema prihvaćenoj ponudi Pružaoca usluga broj: 02-112/20 od 07.01.2020. godine, koja čini sastavni dio ovog Ugovora.

#### **Član 2.**

Ugovor se zaključuje na period od 01.01.2021. godine do 31.12.2021. godine.

### **II - CIJENA**

#### **Član 3.**

Ukupna vrijednost ugovorenih usluga iz člana 1. ovog Ugovora, ne može preći iznos budžetskih sredstava planiranih za ovu nabavku u 2020. godini, uz ukupnu cijenu od 340.588,80 KM (slovima: tristotinečetredesethiljadpetstotinaosamdesetosam i 80/100 konvertibilnih maraka), koja je navedena u prihvaćenoj ponudi.

### **III - NAČIN PLAĆANJA**

#### **Član 4.**

Ugovorne strane su saglasne da se plaćanje vrši na sljedeći način:

Pružalac usluge će ispostaviti policu osiguranja sa računom za ugovorene usluge u ukupnom iznosu, te naznačiti rate (minimalno 3 rate) i datum dospjeća plaćanja istih.

Naručilac će izvršiti plaćanje ugovorenih obaveza Pružaocu usluga u roku od 90 (devedeset) dana od dana ispostavljanja police osiguranja i računa za ugovorene usluge.

Naknadu za izvršene usluge, Naručilac je dužan uplatiti na transakcijski račun Pružaoca usluga broj: 1327310012556391 otvoren kod NLB banke.

Pružalac usluga je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje, a Pružalac usluga primio uplatu s odgodom od jednog ili više dana od ugovorenog roka iz stava 1. ovog člana.

### **IV – PRIJAVA OSIGURANOG SLUČAJA**

#### **Član 5.**

Prijava osiguranog slučaja se vrši na način da svaka škola potpisnica Sporazuma o provođenju postupka javne nabavke prijavljuje direktno osigurani slučaj Pružaocu usluga.

### **V - MJESTO PRUŽANJA USLUGA**

#### **Član 6.**

Bez teritorijalnog ograničenja.

### **VI - GARANCIJE**

#### **Član 7.**

Pružalac usluga je obavezan u roku od 7 (sedam) dana od dana potpisivanja ugovora dostaviti dokaz o reosiguravajućem pokriću, za sve rizike koji prelaze samopridržaj ponuđača.

Pružalac usluga je obavezan u roku od 7 (sedam) dana od dana potpisivanja ovog Ugovora dostaviti Naručiocu usluge безусловnu bankovnu garanciju za uredno izvršenje ugovora u visini 10 % od vrijednosti Ugovora.

Iznos garancije za uredno izvršenje ugovora, će biti plativ Naručiocu usluga kao kompenzacija za bilo koji gubitak koji bi bio prouzrokovan ako Pružalac usluga ne uspije izvršiti obaveze prema ovom ugovoru.

Bankovna garancija mora glasiti na valutu ovog Ugovora. U tekstu garancije mora stajati obaveza banke da će na prvi poziv korisnika garancije (Naručioca usluga) bezuvjetno i bez prigovora isplatiti bilo koji iznos, a najviše do iznosa garancije.

Ukoliko Pružalac usluga ne dostavi безусловnu garanciju u roku utvrđenom u stavu 1. ovog člana, smatra se da je Ugovor raskinut krivicom Pružaoca usluga, a vrijednost bankovne garancije Naručilac usluga zadržava u svoju korist. Period važenja garancije za uredno izvršenje ugovora je period važenja ugovora + 90 (devedeset dana). Iznos garancije za uredno izvršenje ugovora bit će plativ Naručiocu usluga kao kompenzacija za svaku štetu i troškove koji bi nastali ako Pružalac usluga ne izvrši obaveze koje proizilaze iz ovog ugovora.

Naknada štete koja bi se namirila po osnovu realizacije garancije iz stava 1. ovog člana, ne oslobađa Pružaoca usluga odgovornosti za namirenje potpune štete, prema odredbama Zakona o obligacionim odnosima, ukoliko je visina štete veća od iznosa koji se može dobiti usljed realizacije garancije.

Ukoliko ne nastupi ni jedan slučaj koji bi zahtjevao realizaciju garancije za uredno izvršenje ugovora, Naručilac će po konačnoj realizaciji Ugovora izvršiti povrat безусловne bankovne garancije.

## **VII — OBAVEZE PRUŽAOCA USLUGA**

### **Član 8.**

Pružalac usluga obavezuje se da će ugovorene usluge izvesti blagovremeno, stručno i kvalitetno, a u skladu sa tenderskom dokumentacijom i prihvaćenom ponudom.

Pružalac usluga obavezuje se da neće umanjiti iznos osiguranja za navedeni period ugovornog odnosa.

### **Član 9.**

Pružalac usluga se obavezuje da, u svrhu izvršenja ovog ugovora, neće zaposliti niti jednog člana Komisije za javne nabavke, koja je formirana od strane Naručioca, a nadležna za dodjelu ovog Ugovora, najmanje 6 (šest) mjeseci po zaključenju istog.

## **VIII - OBAVEZE NARUČIOCA USLUGA**

### **Član 10.**

Naručilac usluga se obavezuje da će ukupnu vrijednost ugovorenih usluga iz člana 3. ovog Ugovora, isplati na način i u roku predviđen u članu 4. ovog Ugovora.

## IX – PRELAZNE I ZAVRŠNE ODREDBE

### Član 11.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim ugovorom, a proisteknu iz njegove realizacije primjenjivat će se odgovarajuće odredbe Zakona o obligacionim odnosima.

### Član 12.

Ovaj ugovor je sačinjen je u 4 (četiri) istovjetnih primjeraka od kojih Naručilac usluga zadržava 2 (dva), a Pružalac usluga 2 (dva) primjerka.

### Član 13.

Ovaj Ugovor stupa na snagu danom potpisivanja ugovornih strana.

PRUŽALAC USLUGE  
IZVRŠNI DIREKTOR

Edin Muftić

Broj: 02-14348/20

Datum: 21.12.2020

NARUČILAC USLUGA  
MINISTAR

Mr. Amis Krivić

Broj: 11/07-14-40383-31/19

Datum: 10.12.2020.